

Bosna i Hercegovina
FEDERACIJA BOSNE I HERCEGOVINE
EKONOMSKO - SOCIJALNO VIJEĆE ZA TERITORIJU FEDERACIJE BiH

Broj: 03-30/14-6/25

Sarajevo, 26.02.2025. godine

ZAPISNIK

sa **VI.** sjednice Ekonomsko - socijalnog vijeća za teritoriju Federacije Bosne i Hercegovine, održane dana **25.02.2025. godine u 9.30 sati.**

U skladu sa članom 5. Poslovnika o radu ESV, po ovlaštenju dr.sc. Čengića Safudina, predsjednika Ekonomsko - socijalnog vijeća za teritoriju Federacije BiH, sjednicom je predsjedavao Nermin Nikšić, potpredsjednik ESV.

Na početku sjednice, premijer Nermin Nikšić pozdravio je i konstatirao da sjednici prisustvuje 16 članova Ekonomsko - socijalnog vijeća za teritoriju Federacije Bosne i Hercegovine i to:

PREDSTAVNICI VLADE FEDERACIJE BiH:

Nermin Nikšić, Vojin Mijatović, Adnan Delić, Toni Kraljević i Kemal Hrnjić, članovi delegacije Vlade FBiH.

PREDSTAVNICI UDRUŽENJA POSLODAVACA U FEDERACIJI BiH:

Adnan Smailbegović, Mario Nenadić, Josip Kraljević i Snježana Köpruner, članovi delegacije Udruženja poslodavaca FBiH.

PREDSTAVNICI SINDIKATA:

Fikret Alić, Saša Živković, Berislav Babić, Samir Kurtović, Mirza Hadžiabdić, Mevludin Bektić i Almir Salihović, članovi delegacije Sindikata.

Sjednici nisu prisustvovali:

Safudin Čengić, predsjednik ESV (opravdao izostanak), **Selvedin Šatorović,** član delegacije Sindikata (opravdao izostanak), **Senad Džambić, Zoran Gazibarić** (opravdao izostanak), **Venan Hadžiselimović** (opravdao izostanak), članovi delegacije Udruženja poslodavaca FBiH, **Vedran Lakić** (opravdao izostanak) i **Nediljko Rimac,** članovi delegacije Vlade FBiH.

Pored prisutnih članova, sjednici Ekonomsko - socijalnog vijeća za teritoriju Federacije Bosne i Hercegovine (u daljem tekstu: ESV) prisustvovali su članovi Stručne službe ESV, te saradnici premijera Federacije BiH i federalnog ministra finansija.

Nakon uvodnog izlaganja Nermin Nikšić, podpredsjednik ESV, predložio je slijedeći Dnevni red:

1. Zakonom o izmjenama i dopunama Zakona o doprinosima ("Službene novine Federacije BiH", br. 35/98, 54/00, 16/01, 37/01, 48/01 – dr. zakon, 1/02, 17/06, 14/08, 91/15, 104/16, 34/18, 99/19, 4/21, 6/23 i 28/23 – odluka US);
2. Tekuća pitanja.

Predloženi dnevni red jednoglasno je usvojen.

Ad. 1

Materijali za ovu tačku Dnevnog reda dostavljeni su na početku sjednice, te je uvodne napomene dao Toni Kraljević, ministar finansija koji je pobliže upoznao prisutne o predloženom Zakonu o izmjenama i dopunama Zakona o doprinosima, na način da se smanjuje zbirna stopa za 13,25%, odnosno za 5,50 indeksna boda, tj. 41,50% na 36,00%, po čemu se stope doprinosa na plaću, koje idu na teret poslodavca, za penzijsko i invalidsko osiguranje smanjuju se sa 6,00% na 2,50%, te stopa doprinosa za zdravstveno osiguranje sa 4,00% na 2,00%.

Dodatno obrazloženje dala je Mirjana Vučić, pomoćnici federalnog ministra finansija, koja je istakla da se navedenim izmjenama i dopunama, osim navedenog, prvi put definira nepuno radno vrijeme, na način da za radnike koji rade nepuno radno vrijeme, odnosno čije je radno vrijeme četiri (4) sata ili manje, osnovica za obračun doprinosa ne može biti ispod 50% najniže plaće, te kaznene odredbe za nepoštivanje člana 7. navedenog zakona. Naime, izvršavajući presudu Ustavnog suda Bosne i Hercegovine, izjednačene su sve osnovice za obračun doprinosa, odnosno osnovica za fizička lica koja rade kod nerezidentnih poslodavaca je sada najniža plaća, a ne dosadašnja prosječna plaća.

Delegacija Udruženja poslodavaca za teritoriju Federacije BiH svim članovima ESV, putem e-maila, prethodno je dostavila prijedlog izmjena Zakona o doprinosima Federacije BiH, radi razmatranja.

Nakon uvodnog izlaganja, otvorena je rasprava po ovoj tački dnevnog reda.

U raspravi učestvovali su: *Adnan Smailbegović, Vojin Mijatović, Snježana Köpruner, Fikret Alić, Samir Kurtović, Mevludin Bektić i Kemal Hrnjić* koji su dali podršku predloženim zakonskim izmjenama.

Tokom rasprave, *Samir Kurtović*, član delegacije Sindikata, imao je primjedbu na predloženi član 7., u kojem se riječi „Opći kolektivni ugovor“ zamjenjuje riječima „posebnim propisima kojima se definira plaća“, te predlaže da se zadrži prethodna formulacija, na što je Mirjana Vučić istaknula da je metodologija donošenja zakonskih rješenja jasno propisana, te da se kroz zakone nastoji izbjeći tačan naziv dokumenata. Također, naglasila je da se s tim u vezi, predloženom izmjenom nastoji izbjeći eventualni pravni vakum u slučaju nepostojanja propisa, a posebno imajući u vidu predmet zakona i dosadašnju praksu.

Mevludin Bektić, član delegacije Sindikata, izrazio je nezadovoljstvo zbog neblagovremeno dostavljenih materijala za razmatranje, te zabrinutost za fondove, odnosno manjak sredstava zbog umanjenja doprinosa za penzijsko i invalidsko osiguranje, te zdravstveno osiguranje.

Nermin Nikšić, potpredsjednik ESV-a naglasio je da je Vlada Federacije BiH preuzima taj dio rizika vezan za punjenje fondova, te da je svjesna težine obaveze.

Adnan Smailbegović, naveo je da delegacija Udruženja poslodavaca u Federaciji BiH podržava predstavljene aktivnosti Vlade Federacije BiH vezano za provođenje fiskalne reforme, te je istakao da se očekuje, značajnije smanjenje doprinosa u narednom periodu.

Nakon zaključenja rasprave, potpredsjednik ESV dao je na glasanje predloženi Zakon o izmjenama i dopunama Zakona o doprinosima koji je **jednoglasno usvojen** od strane socijalnih partnera..

Ad. 2.

Po ovoj tački dnevnog reda nije bilo prijedloga materijala za razmatranje.

Na kraju sjednice, zajednički stav je bio da se u ime Ekonomsko - socijalnog vijeća predstavnicima medija obrati Toni Kraljević, član delegacije Vlade Federacije BiH.

Sjednica je završena u 10.55 sati.

POTPREDSJEDNIK

Nermin Nikšić

Zapisnik sačinila:

Aida Kovačević